

Pwyllgor Asesu Ansawdd Cyngor Cyllido Addysg Uwch Cymru Swyddi Gwag ar gyfer Aelodau

Crynodeb

Mae CCAUC yn chwilio am ymgeisydd i fod yn Aelod o'i Bwyllgor Asesu Ansawdd. Pwyllgor statudol o Gyngor CCAUC yw hwn, dan Ddeddf Addysg Uwch (Cymru) 2015, ac felly mae'n cyflawni rôl ymgynghorol.

Rhaid i ymgeiswyr feddu ar brofiad o ddarpariaeth addysg uwch, neu fod wedi dangos gallu yn y maes, gan gynnwys goruchwyllo sicrwydd ansawdd ac ehangu darpariaeth. **Ni ddylech fod yn gyflogedig i unrhyw ddarparwr addysg uwch presennol yng Nghymru, nac yn eistedd ar fwrdd llywodraethol unrhyw un ohonynt. Ni fydd yr Aelod a benodir yn gallu ymgymryd ag adolygiadau QAA o sefydliadau Cymru.**

Rydym yn awyddus i sicrhau bod amrywiaeth o ddarparwyr addysg uwch yn cael eu cynrychioli ar y pwyllgor, ac felly croesawn hefyd unigolion â phrofiad o addysg uwch mewn sefydliadau addysg bellach neu ddarparwyr eraill.

Mae'r Pwyllgor yn cyfarfod tair gwaith y flwyddyn.

Bydd y cyfarfod nesaf ar 4 Mehefin 2021 am 1:00yp. Os ydych yn gwneud cais am y lle gwag yma, nodwch y dyddiad yma yn eich dyddiadur.

Ni roddir tâl i aelodau'r Pwyllgor Asesu Ansawdd. Serch hynny, bydd CCAUC yn eich ad-dalu am unrhyw dreuliau rhesymol a ysgwyddir gennych yn rhinwedd eich dyletswyddau, ac a gofnodir yn briodol, yn unol â'n gweithdrefnau teithio a chynhaliaeth.

Bydd y penodiad yn para am dymor cychwynnol o hyd at dair blynedd, oni bai y bydd yn cael ei derfynu gan y naill ochr neu'r llall, ac mae posibilrwydd o ailbenodiad am dymor arall.

Dylai ymgeiswyr wneud cais erbyn **5 Ebrill 2021**.

Y Pwyllgor

1. Mae CCAUC yn chwilio am ymgeisydd i fod yn Aelod o Bwyllgor Asesu Ansawdd CCAUC, sydd newydd ei sefydlu. Pwyllgor statudol o Gyngor CCAUC yw hwn, dan Ddeddf Addysg Uwch (Cymru) 2015, ac felly mae'n cyflawni rôl ymgynghorol.
2. Dylai ymgeiswyr wneud cais erbyn **5 Ebrill 2021**.

Cefndir

3. Cyngor Cyllido Addysg Uwch Cymru – CCAUC – yw'r corff cyhoeddus sy'n gweithredu rhwng Llywodraeth Cymru a darparwyr addysg uwch. Rydym yn rheoleiddio lefelau ffioedd darparwyr addysg uwch, yn sicrhau bod fframwaith yn ei le ar gyfer asesu ansawdd addysg uwch, ac yn craffu ar berfformiad prifysgolion a darparwyr eraill dynodedig. Rydym hefyd yn darparu cyllid ar gyfer addysgu ac ymchwil addysg uwch, ac yn defnyddio ein dylanwad a'n harbenigedd i helpu i roi blaenoriaethau 10 Llywodraeth Cymru ar gyfer addysg uwch ar waith, er lles cymdeithas yn ehangach ac er lles yr economi.
4. Dechreuodd pwerau CCAUC dan Ddeddf Addysg Uwch (Cymru) 2015, mewn perthynas ag ansawdd, ar 1 Medi 2015. Mae Deddf 2015 yn ei gwneud hi'n ofynnol inni asesu, neu wneud trefniadau ar gyfer asesu, ansawdd yr addysg a ddarperir yng Nghymru gan, neu ar ran, pob sefydliad a reoleiddir. Yn ogystal, mae'r Ddeddf yn ein galluogi i roi cyngor, cymorth neu gyfarwyddiadau i sefydliadau rhag i ansawdd addysg, neu gwrs, fynd yn annigonol.
5. Mae Deddf 2015 hefyd yn ei gwneud hi'n ofynnol inni sefydlu Pwyllgor Asesu Ansawdd i roi cyngor inni ar arfer ein dyletswyddau o dan yr adran hon.

Y Person

6. Rhaid i aelodau feddu ar brofiad o ddarpariaeth addysg uwch, neu fod wedi dangos gallu yn y maes.
7. Dylech fod â phrofiad o oruchwylio sicrwydd ansawdd ac ehangu darpariaeth.
8. Rydym yn awyddus i sicrhau bod amrywiaeth o ddarparwyr addysg uwch yn cael eu cynrychioli ar y Pwyllgor, ac felly croesawn hefyd unigolion â phrofiad o addysg uwch mewn sefydliadau addysg bellach neu ddarparwyr eraill.

Y rôl

9. Mae'r Pwyllgor yn cyfarfod ddwywaith neu dair y flwyddyn er mwyn i'r Pwyllgor allu rhoi cyngor priodol i'r Cyngor ar newidiadau o dan Ddeddf 2015.

10. Wrth ymgeisio am y penodiad hwn, rydych yn cadarnhau eich bod yn gallu neilltuo digon o amser i baratoi ar gyfer cyfarfodydd y pwyllgor, a'u mynychu, a gwireddu unrhyw ddisgwyliadau eraill eich rôl, e.e. dod yn llwyr gyfarwydd â Deddf Addysg Uwch (Cymru) 2015 a datblygiadau cysylltiedig.

Telerau penodi

11. Bydd y penodiad yn para am dymor cychwynnol o hyd at dair blynedd, oni bai y bydd yn cael ei derfynu gan y naill ochr neu'r llall, ac mae posibilrwydd o ailbenodiad am dymor arall.
12. **Ni ddylech fod yn gyflogedig i unrhyw ddarparwr addysg uwch presennol yng Nghymru, nac yn eistedd ar fwrdd llywodraethol unrhyw un ohonynt.** Ni chaiff ymgeiswyr eu penodi fel rheol oni bai bod bwch o dair blynedd ers iddynt gael eu cyflogi ddiwethaf gan ddarparwr addysg uwch yng Nghymru.
13. Ni fydd yr Aelod a benodir yn gallu ymgymryd ag adolygiadau QAA o sefydliadau Cymru. Bydd unrhyw aelod o'r Pwyllgor a benodir i gorff llywodraethu, neu i swydd reoli neu academaidd gyda ddarparwr addysg uwch yng Nghymru yn ystod tymor ei wasanaeth ar y Pwyllgor Asesu Ansawdd, yn gorfod ymddiswyddo o'r pwyllgor.
14. Ni roddir tâl i aelodau'r Pwyllgor Asesu Ansawdd. Serch hynny, bydd CCAUC yn eich ad-dalu am unrhyw dreuliau rhesymol a ysgwyddir gennych yn rhinwedd eich dyletswyddau, ac a gofnodir yn briodol, yn unol â'n gweithdrefnau teithio a chynhaliaeth.
15. Mae'n ofynnol arnoch i ddatgan unrhyw fuddiannau perthnasol i CCAUC yn flynyddol, ac i ddiweddarau eich datganiad pa bryd bynnag y bydd newid sylweddol.
16. Disgwyliwn ichi gyflawni eich rôl gan lynu at y safonau uchaf o ymddygiad. Mae'r saith egwyddor ar gyfer gwasanaeth cyhoeddus (egwyddorion Nolan) yn disgrifio'r safonau y dylech eu gweithredu.

Y broses benodi

17. Cytunir ar y penodiadau gan bwyllgor penodiadau CCAUC.
18. Cyflwynwch eich cais ar ffurf CV a llythyr eglurhaol, gan ddangos perthnasedd eich cais am y swydd. Mae hyn yn cynnwys manylu ar eich profiad o oruchwylio/rheoli sicrwydd ansawdd ac ehangu darpariaeth.
19. Rhaid ichi gadarnhau, os yw'n berthnasol, bod gennych gefnogaeth eich sefydliad neu fudiad i ymgymryd â'r rôl hon.
20. Dylid cyflwyno ceisiadau'n electronig i Dr Cliona O'Neill (cliona.oneill@hefcw.ac.uk), i gyrraedd dim hwyrach na **5 Ebrill 2021**.
21. Yn unol â deddfwriaeth diogelu data, ni fydd manylion am ymgeiswyr aflwyddiannus, gan gynnwys CVs, yn cael eu cadw am fwy na sydd raid ar ôl bodloni dibenion prosesu'r cais hwn. Byddwn yn gofyn am eich caniatâd ysgrifenedig os bydd CCAUC yn dymuno cadw eich manylion ar gyfer ceisiadau yn y dyfodol.